

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-11533-1/15.
Zenica, 02.06.2015. godine

Z A P I S N I K

sa 12. sjednice Vlade Zeničko-dobojskog kantona održane 27.05.2015. godine

Sjednica je održana u sali 109, prvi sprat u zgradi Kantona, dana 27.05.2015. godine u trajanju od 8²⁰ do 9²⁸ sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Mirnes Bašić, ministar Ministarstva za pravosuđe i upravu,
2. Himzo Smajić, ministar Ministarstva za poljoprivredu, šumarstvo i vodoprivredu,
3. Nurdehan Šahinović, ministar Ministarstva za rad, socijalnu politiku i izbjeglice,
4. Fahrudin Čolaković, ministar Ministarstva za boračka pitanja, sjednicu napustio u 8⁴⁰ sati,
5. Hajrudin Žilić, ministar Ministarstva unutrašnjih poslova,
6. Mensur Sinanović, ministar Ministarstva za obrazovanje, nauku, kulturu i sport,
7. Zvonimir Anđelić, ministar Ministarstva za privredu,
8. Bojan Gvozdenović, ministar Ministarstva zdravstva,
9. Andrej Kajić, ministar Ministarstva finansija,
10. Goran Bulajić, ministar Ministarstva za prostorno uređenje, promet i komunikacije i zaštitu okoline,

kao i:

1. Mirsad Kadić, sekretar Vlade, koji je napustio sjednicu nakon usvajanja druge tačke dnevnog reda, a umjesto njega sjednici je prisustvovao Haris Hrgić, pomoćnik Sekretara Vlade,
2. Berjana Ačkar, sekretar Sekretarijata za zakonodavstvo,
3. Azra Smailbegović-Đ., zapisničar.

U svojstvu izvjestioca sjednici je prisustvovala:

- Željka Marković-Sekulić, direktorica Služba za zajedničke poslove Zeničko-dobojskog kantona.

Premijer je predložio slijedeći

D N E V N I R E D :

1. Verifikacija zapisnika sa 10. sjednice Vlade Zeničko-dobojskog kantona, održane dana 13.05.2015. godine;
2. Amandmani I i II Kluba poslanika SDA u Skupštini Zeničko-dobojskog kantona na Prijedlog Zakona o prijenosu nadležnosti Zeničko-dobojskog kantona za djelatnost

osnovnog i srednjeg obrazovanja na općinu Usora – skraćeni postupak, sa Prijedlogom Zaključka;

Izvjestilac za tačku 2: Mensur Sinanović, ministar

3. Prijedlog Odluke o odobravanju finansijskih sredstava za rekonstrukciju i investiciono održavanje zgrada pravosudnih institucija;

4. Prijedlog Odluke o odobravanju finansijskih sredstava za nabavku opreme;

5. Prijedlog Odluke o odobravanju finansijskih sredstava za nabavku građevina;

Izvjestilac: Mirnes Bašić, ministar

6. Prijedlog Odluke o odobravanju sredstava za implementaciju projekta “Sigurna kuća za žene žrtve nasilja u porodici i zajednici sa područja općina Zeničko-dobojskog kantona”;

7. Prijedlog Odluke o odobravanju sredstava za javne-humanitarne kuhinje Zeničko-dobojskog kantona;

Izvjestilac: Nurđehan Šahinović, ministar

8. Prijedlog Zaključka o prihvatanju Informacije o provođenju procedura za prijem državnih službenika i namještenika u Ministarstvu unutrašnjih poslova Zeničko-dobojskog kantona, te davanju saglasnosti Ministru Ministarstva unutrašnjih poslova Zeničko-dobojskog kantona da okonča procedure za prijem u radni odnos;

Izvjestilac: Hajrudin Žilić, ministar

Predložena je dopuna dnevnog reda tačkom:

- Prijedlog Odluke o usvajanju Plana javnih nabavki Zeničko-dobojskog kantona za 2015. godinu.

Članovi Vlade su prihvatili predloženu dopunu, te je za sjednicu jednoglasno usvojen slijedeći

DNEVNI RED :

1. Verifikacija zapisnika sa 10. sjednice Vlade Zeničko-dobojskog kantona, održane dana 13.05.2015. godine;

2. Amandmani I i II Kluba poslanika SDA u Skupštini Zeničko-dobojskog kantona na Prijedlog Zakona o prijenosu nadležnosti Zeničko-dobojskog kantona za djelatnost osnovnog i srednjeg obrazovanja na općinu Usora – skraćeni postupak, sa Prijedlogom Zaključka;

Izvjestilac za tačku 2: Mensur Sinanović, ministar

3. Prijedlog Odluke o odobravanju finansijskih sredstava za rekonstrukciju i investiciono održavanje zgrada pravosudnih institucija;

4. Prijedlog Odluke o odobravanju finansijskih sredstava za nabavku opreme;

5. Prijedlog Odluke o odobravanju finansijskih sredstava za nabavku građevina;

Izvjestilac: Mirnes Bašić, ministar

6. Prijedlog Odluke o odobravanju sredstava za implementaciju projekta “Sigurna kuća za žene žrtve nasilja u porodici i zajednici sa područja općina Zeničko-dobojskog kantona”;

7. Prijedlog Odluke o odobravanju sredstava za javne-humanitarne kuhinje Zeničko-dobojskog kantona;

Izvjestilac: Nurđehan Šahinović, ministar

8. Prijedlog Zaključka o prihvatanju Informacije o provođenju procedura za prijem državnih službenika i namještenika u Ministarstvu unutrašnjih poslova Zeničko-dobojskog kantona, te davanju saglasnosti Ministru Ministarstva unutrašnjih poslova Zeničko-dobojskog kantona da okonča procedure za prijem u radni odnos;

Izvjestilac: Hajrudin Žilić, ministar

9. Prijedlog Odluke o usvajanju Plana javnih nabavki Zeničko-dobojskog kantona za 2015. godinu;
Izvjestilac: Željka Marković-Sekulić, direktorica.

Prva tačka dnevnog reda

Vlada je jednoglasno usvojila Zapisnik sa 10. sjednice Vlade Zeničko-dobojskog kantona, održane 13.05.2015. godine.

Druga tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona, Ministar Ministarstva finansija, Ministar Ministarstva za rad, socijalnu politiku i izbjeglice, Sekretar Vlade.

Vlada je jednoglasno donijela slijedeće:

- a) Ne prihvata se Amandman I Kluba zastupnika SDA, broj: 01-02-10905-1/15. od 25.05.2015. godine, podnesen na Prijedlog Zakona o prenošenju nadležnosti Zeničko-dobojskog kantona za djelatnost osnovnog i srednjeg obrazovanja na općinu Usora.
Zaključak se upućuje u daljnju skupštinsku proceduru.
Zaključak stupa na snagu danom donošenja.
- b) Ne prihvata se Amandman II Kluba zastupnika SDA, broj: 01-02-10905-1/15. od 25.05.2015. godine, podnesen na Prijedlog Zakona o prenošenju nadležnosti Zeničko-dobojskog kantona za djelatnost osnovnog i srednjeg obrazovanja na općinu Usora.
Zaključak se upućuje u daljnju skupštinsku proceduru.
Zaključak stupa na snagu danom donošenja.

Pored ovoga, Vlada je takođe jednoglasno donijela i slijedeći Zaključak:

- 2c) Zadužuje se Ministarstvo za obrazovanje, nauku, kulturu i sport da sačini analizu kretanja troškova od dana prenošenja nadležnosti u oblasti obrazovanja na Općinu Žepče.
Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Ministar Ministarstva za pravosuđe i upravu.

Vlada je jednoglasno donijela Odluku o odobravanju finansijskih sredstava za rekonstrukciju i investiciono održavanje zgrada pravosudnih institucija

Član 1.

(Predmet odluke)

Odobravaju se finansijska sredstva u iznosu do 30.000,00 KM (slovima: tridesethiljada konvertibilnih maraka) na ime rekonstrukcije i investicionog održavanja zgrada pravosudnih institucija na području Zeničko-dobojskog kantona.

Član 2.

(Analitička konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2015. godinu, razdjel 16 - Ministarstvo za pravosuđe i upravu, budžetska organizacija 01, potrošačka jedinica 0001, ekonomski kod 821600 pozicija „Rekonstrukcija i investiciono održavanje“.

Član 3.

(Postupak realizacije)

Ministarstvo za pravosuđe i upravu će postupak realizacije rekonstrukcije i investicionog održavanja zgrada pravosudnih institucija izvršiti u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 4.

(Provođenje odluke)

Za realizaciju ove odluke zadužuju se Ministarstvo za pravosuđe i upravu i Ministarstvo finansija svako u okviru svojih nadležnosti.

Član 5.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Četvrta tačka dnevnog reda

Obrazloženje za ovu tačku dnevnog reda dao je Ministar Ministarstva za pravosuđe i upravu.

Vlada je jednoglasno donijela Odluku o odobravanju finansijskih sredstava za nabavku opreme

Član 1.

(Predmet odluke)

Odobravaju se finansijska sredstva u iznosu do 50.000,00 KM (slovima: pedesethiljada konvertibilnih maraka) na ime nabavke opreme za potrebe pravosudnih institucija na području Zeničko-dobojskog kantona.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2015. godinu, razdjel 16 - Ministarstvo za pravosuđe i upravu, budžetska organizacija 01, potrošačka jedinica 0001, ekonomski kod 821600 pozicija „Nabavka opreme“.

Član 3.

(Postupak realizacije)

Ministarstvo za pravosuđe i upravu će postupak nabavke realizovati u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 4.

(Provođenje odluke)

Za realizaciju ove odluke zadužuju se Ministarstvo za pravosuđe i upravu i Ministarstvo finansija svako u okviru svojih nadležnosti.

Član 5.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Peta tačka dnevnog reda

Obrazloženje za ovu tačku dnevnog reda dao je Ministar Ministarstva za pravosuđe i upravu.

Vlada je jednoglasno donijela Odluku o odobravanju finansijskih sredstava za nabavku građevina

Član 1.

(Predmet odluke)

Odobravaju se finansijska sredstva u iznosu do 417.000,00 KM (slovima: četiristotinesedamnaest hiljada konvertibilnih maraka) u svrhu obezbjeđenja fizičkih uslova (infrastruktura) za optimalan rad pravosudnih institucija na području Zeničko-dobojskog kantona.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2015. godinu, razdjel 16 - Ministarstvo za pravosuđe i upravu, budžetska organizacija 01, potrošačka jedinica 0001, ekonomski kod 821200 pozicija „Nabavka građevina“.

Član 3.

(Postupak realizacije)

Ministarstvo za pravosuđe i upravu će postupak nabavke realizovati u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 4.

(Provođenje odluke)

Za realizaciju ove odluke zadužuju se Ministarstvo za pravosuđe i upravu i Ministarstvo finansija svako u okviru svojih nadležnosti.

Član 5.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Šesta tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, Ministar Ministarstva zdravstva, Ministar Ministarstva unutrašnjih poslova.

Vlada je jednoglasno donijela Odluku o odobravanju sredstava za implementaciju projekta „Sigurna kuća za žene žrtve nasilja u porodici i zajednici sa područja općina Zeničko-dobojskog kantona”

Član 1.

(Predmet)

Odobravaju se sredstva Udruženju „Medica“ iz Zenice kao implementatoru projekta „Sigurna kuća za žene žrtve nasilja u porodici i zajednici sa područja općina Zeničko-dobojskog kantona”, na koji je Vlada Zeničko-dobojskog kantona dala saglasnost Zaključkom broj: 02-35-24109/09 od 23.09.2009. godine, u ukupnom iznosu od 41.040,00 KM (slovima: četrdesetjednahiljadačetrdeset konvertibilnih maraka) kao učešće Zeničko-dobojskog kantona u nastavku implementacije Projekta: „Sigurna kuća za žene žrtve nasilja u porodici i zajednici sa područja općina Zeničko-dobojskog kantona”, za period april – decembar 2015. godine.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2015. godine („Službene novine Zeničko-dobojskog kantona”, broj: 02/15) razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200, KAD 207, pozicija: „Ostali socijalni transferi“.

Član 3.

(Uplata sredstava)

Odobrena sredstva iz člana 1. ove odluke će biti uplaćivana u mjesečnim iznosima od 4.560,00 KM na račun Udruženja broj: 161-055-000-8240085 otvoren kod Raiffeisen banke Zenica.

Član 4.

(Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u domenu svojih nadležnosti.

Član 5.

(Izvrještavanje)

Udruženje „Medica“ iz Zenice će izvrještavati Ministarstvo za rad, socijalnu politiku i izbjeglice o namjenskom utrošku doznačenih sredstava na tromjesečnoj osnovi.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Sedma tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

Vlada je jednoglasno donijela Odluku o odobravanju sredstava za javne-humanitarne kuhinje Zeničko-dobojskog kantona

Član 1.

(Predmet)

Odobravaju se sredstva u iznosu od 225.000 KM (slovima: dvijestotinedvadesetpethiljada konvertibilnih maraka), kao pomoć od značaja za rad javnih-humanitarnih kuhinja na području Zeničko-dobojskog kantona za period januar – decembar 2015. godine.

Član 2.

(Raspored sredstava)

Sredstva iz člana 1. ove Odluke odobravaju se u iznosima i na način kako slijedi:

- | | |
|---|-----------|
| 1. MDD Merhamet Zenica | 60.000 KM |
| 2. Narodna kuhinja Zenica | 50.000 KM |
| 3. MDD Merhamet Maglaj | 40.000 KM |
| 4. Caritas zeničkih župa | 25.000 KM |
| 5. Pučka kuhinja Vareš | 25.000 KM |
| 6. Javna kuhinja „Mladi volonteri“ Visoko | 25.000 KM |

Član 3.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2015. godinu („Službene novine Zeničko-dobojskog kantona”, broj 2/15), razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200, KAD 207, pozicija: „Ostali socijalni transferi“.

(2) Odobrena sredstva iz člana 1. ove odluke isplaćivat će se u četiri jednake tranše za I, II, III i IV kvartal 2015. godine, na račune pravnih subjekata iz člana 2. ove odluke, u iznosima kako slijedi:

1.	MDD Merhamet Zenica	15.000 KM
2.	Narodna kuhinja Zenica	12.500 KM
3.	MDD Merhamet Maglaj	10.000 KM
4.	Caritas zeničkih župa	6.250 KM
5.	Pučka kuhinja Vareš	6.250 KM
6.	Javna kuhinja „Mladi volonteri“ Visoko	6.250 KM

Član 4.

(Provođenje odluke)

Zadužuju se Ministarstvo za rad, socijalnu politiku i izbjeglice, Ministarstvo finansija da realizuju ovu odluku, svako u okviru svojih nadležnosti.

Član 5.

(Izvršavanje)

Javne-humanitarne kuhinje će izvršiti Ministarstvo za rad, socijalnu politiku i izbjeglice o namjenskom utrošku odobrenih i doznačenih sredstava.

Član 6.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Osmu tačku dnevnog reda

Obrazloženje za ovu tačku dnevnog reda dao je Ministar Ministarstva unutrašnjih poslova.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice, Sekretar Sekretarijata za zakonodavstvo.

Vlada je jednoglasno donijela Zaključak kojim se prihvata Informacija o provođenju procedura za prijem državnih službenika i namještenika u Ministarstvu unutrašnjih poslova Zeničko-dobojskog kantona, sa Mišljenjem Agencije za državnu službu FBiH broj: 04-34-8-152-209/14 od 04.05.2015. godine.

Daje se saglasnost ministru Ministarstva unutrašnjih poslova Zeničko-dobojskog kantona da, u skladu sa važećim propisima, okonča procedure za prijem u radni odnos:

- državnih službenika po Javnom konkursu objavljenom dana 08.10.2014. godine
- namještenika po Javnom oglasu objavljenom dana 29.09.2014. godine i Javnom oglasu objavljenom dana 12.01.2015. godine.

Ovaj zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dala je Željka Marković-Sekulić, direktorica Službe za zajedničke poslove.

U diskusiji su učestvovali: Premijer Zeničko-dobojskog kantona, Ministar Ministarstva za pravosuđe i upravu, Ministar Ministarstva za obrazovanje, nauku, kulturu i sport, Ministar Ministarstva finansija, Ministar Ministarstva za prostorno uređenje, promet i komunikacije i zaštitu okoline, Sekretar Sekretarijata za zakonodavstvo, Pomoćnik Sekretara Vlade.

Vlada je jednoglasno donijela Odluku o usvajanju Plana javnih nabavki Zeničko-dobojskog kantona u 2015. godini

Član 1.

(Plan javne nabavke)

(1) Zeničko-dobojski kanton, kao Ugovorni organ (daljem tekstu: Ugovorni organ) s ciljem da se osigura sve što je potrebno za djelokrug rada, donosi Plan javnih nabavki, kojim se utvrđuje stvarne potrebe za nabavku roba, usluga i radova u budžetskoj 2015.godini.

(2) Plan javnih nabavki sadrži predmet nabavke, procijenjenu vrijednosti nabavke, planirana sredstva u budžetu (iznos i konto), vrstu postupaka, planiranom početku i završetku postupaka, trajanju ugovora ili okvirnog sporazuma, izvoru finansiranja i Kantonalnom organu koji pokreće postupak i prati realizaciju ugovora.

Član 2.

(Izmjena Plana javnih nabavki)

Ugovorni organ, zadržava pravo u slučaju opravdanog zahtjeva na osnovu odredaba Zakona o javnim nabavkama promijeniti vrstu postupka, kao i procijenjene nabavke vrijednosti na osnovu obrazloženja zasnovanog na ekonomskim ili drugim pokazateljima, kao što su značajne promjene u cijeni u odnosu na cijenu u vrijeme procjene vrijednosti, povećanje ili smanjenje količina u skladu sa promjenjenim okolnostima i slično.

Član 3.

(Odluka o pokretanju postupka javnih nabavki)

(1) Za sve nabavke predviđene Planom javne nabavke obavezno je donošenje odluke o pokretanju postupka nabavke u formi i sadržaju u skladu sa članom 18. Zakona o javnim nabavkama.

(2) Sredstva predviđena za neplanirane nabavke mogu se koristiti na temelju pojedinačne odluke, koja se zasniva na obrazloženom zahtjevu o nužnosti i utemeljenosti nabavke, koja se nije mogla predvidjeti u vrijeme donošenja Plana javnih nabavki, u kojem će slučaju ugovorni organ naknadno izvršiti dopunu Plana javnih nabavki.

Član 4.

(Objavljivanje Plana javnih nabavki)

Plan javnih nabavki objavit će se na web stranici Ugovornog organa, www.zdk.ba, prije pokretanja bilo kojeg postupka.

Član 5.

(Sadržaj odluke)

Plan javnih nabavki za 2015.godinu je u prilogu ove Odluke i čini njen sastavni dio.

Član 6.

(Stupanje na snagu)

Ova Odluka stupa na snagu danom donošenja i objavit će se u "Službenim novinama Zeničko-dobojskog kantona".

Premijer je sjednicu zaključio u 9²⁸ sati.

SEKRETAR VLADE

Mirsad Kadić

PREMIJER

Miralem Galijašević

ZAPISNIČAR

Azra Smailbegović-Đ.